

Biatah - Soldadu Surat-kudus - Soldiers Scriptures

Ephesus 6:10-18

10 Sikasün-i, nagap adüp ngan udip ndi ngga Tuhan ngga kuasa bäs-l. 11 Kasük sopürüg pimakai-basi adi Tapa mbüh nggen di angän, isa angän tunggang tak adüp ngan so akar Siarap. 12 Amai düh inüh ata rawan manusia pak rawan sopürüg kuasa adi arap di rangit, anü inüh roh roh adi bikuasa adi mritah jaman adi karüm ati. 13 Jadi madin, kasük pimakai-basi Tapa, isa kan andu adi arap anü mandüg, angän re tunggang rawan serang pinganyu; ka kan ko birawan ndüg pinübün-i, angän re babü tagap mijog. 14 Jadi sidia meh adüp ngan, ka pakai ajar adi sawü pasar Tapa ndu abüt kupong dog ngabüt tagap di kupong ngan, ka pinüggün ndu basi pinapas sudo ngan, 15 ka atin adi sidia an piagah Agah Kana damai ndu kasut ngan. 16 Angän an ari taban pinyabah ndu pinangin ngan; ngga pinangin anü angän dapüd tak adüp ngan so sopürüg reja-panah apui Siarap. 17 Ka kambat pinyiramat ndu tupi basi ngan, ka pinganang Tapa ndu pedang adi Roh Kudus ko nggen di angän. 18 Ndai sopürüg anü ngga simayang, mite turung so Tapa. Simayang di tadü nga-i, ngga kuasa Roh Kudus. Sabab anü angän an ari sidia ka dühnyah arah. Siraru simayang yün sopürüg daya adi Tapa mbüh mien.

Mazmur 91

1 Asi asi adi mandüg ka TUHAN amai an dapüd siramat, asi asi adi babü darüm pinyigrindung-l adi Bisa-pürüg, 2 dapüd nang di Ayüh, “Kaam inüh pingibän ngga pinyigrindung ku. Kaam inüh Tapa ku; di Kaam aku sabah.” 3 Ayüh re bada kuu pagüng so sopürüg jarat adi bisukan. ka so sopürüg andam adi bisä. 4 Ayüh re nutu kuu ngga urad-l; kuu re siramat darüm tangan-l; pinyitütüd-l re grindung ka ngibän kuu. 5 Kuu dühsah taru tadü tadü pinyusah singlarümpuan kah serang adi nyirügüh di tipuh sandu 6 puan kah sesak andam adi nyerang singlarümpuan kah arap adi siü di tipuh jawa andu. 7 Sunggu siribu re kabüs ngapid kuu, simüng ribu maning kuu, pak kuu düh re kinaman. 8 Kuu re tingga ka kirismunki daya ginaka dog ukum. 9 Kuu mbüh bada TUHAN jadi pingibän mu, Ayüh adi Sambu Sopürügjadi pinyigrindung mu, 10 ka mating pinyirusag re dog kuu, mating pinyiganas re mandüg di nyindük ramin mu. 11 Tapa re bada malaikat-l jaga kuu, grindung kuu di barang yün mu panu. 12 Ngara re digüng kuu ngga tangan ngaraisa

kuu düh sagan kaja mu di batuh. 13 Kuu re digang singah ngga jippüh, singah adi gaok ngga jippüh adi bisā. 14 Tapa nang, “Aku re nyiramat ngara adi rindu Akuka grindung ngara adi ngaku Aku TUHAN. 15 Kan ngara bagan Aku, Aku re nam ngara; kan ngara darüm susah, Aku re agi ngga ngara. Aku re pirupas ngara ka stabi di ngara. 16 Aku re ngupah ngara ngga umbur adi ambu; Aku re nyiramat ngara.”

Mazmur 18

1 Aku rindu Kaam, TUHAN! Kaam inüh adi pingibān ku. 2 TUHAN inüh adi grindung aku; Ayüh inüh kuta ku adi tagap. Tapa ku inüh pinyigrindung ku, ngga Ayüh aku siramat. Ayüh grindung aku keya ka pinangin; Ayüh ngibān aku ka kingat aku. 3 Aku bagan, mite turung so TUHAN, ka Ayüh nyiramat aku so bara pinganyu ku. Muji meh TUHAN! 4 Pinyikabüs kirurung aku, pinyirusag paman ngapuh aku. 5 Pinyikabüs sindük aku, ka kubur tūn jarat-i yūn kudog aku. 6 Di tika susah aku bagan TUHAN, aku bagan Tapa ku yūn mite turung. Di Ramin-l Ayüh dingah sirūn ku; Ayüh dingah sien ku mite turung. 7 Komүнү tana bigagar ka bigugoh; ka sigүн darüd gimүgүs ka biguyut, amai Tapa mbüh baji. 8 Asuh ruah so rubang undung-ljireb apui ngga bam apui ruah so baba-l. 9 Ayüh nyiratak rangit ka mүнngga kruman di ribo kaja-l. 10 Ayüh mikabur raju nunggang cherubim, Ayüh panu ngga urad sabak. 11 Ayüh nutu adүp-l ngga karüm; abun tabar, puno ngga piin, kirurung Ayüh. 12 Ujen batuh ka kirab apuimandүg so kijat di sirung jawin-lka miratos kruman. 13 Komүнү TUHAN bidudү mandүg so rangit; ka sirūn-l adi Sambu Sopүrүg dog dingah. 14 Ayüh nimbak reja panah-l ka bada bara pinganyu-l basak basik; ngga kirab kijat Ayüh bada ngara bikaduh bu. 15 Rasan rawüt tatүng, ka pinagap-rasan tana tatүng, kan Kaam nang bara pinganyu Mai, TUHAN, ka bidudү baji di ngara. 16 TUHAN nyapai so sambu ka digүng aku; Ayüh tarik aku so piin türүp. 17 Ayüh pirupas aku so bara pinganyu ku adi bakeka so ngara adi tiru di aku --ngara ruai bake so aku. 18 Kan aku darüm susah, ngara nyerang aku, pak TUHAN grindung aku. 19 Ayüh turung aku ruah so kayuh arap; Ayüh nyiramat aku sabab Ayüh munos asүng di aku. 20 TUHAN ngupah aku sabab aku ndai kayuh adi batur; Ayüh nyiberkat aku sabab aku düh sarah. 21 Aku tunda ukum-adat TUHAN; aku mating nyipunok Tapa ku. 22 Aku agi sita sopүrүg ukum adat-l; aku bүн düh tunda pinyipesan-l. 23 Ayüh puan aku düh sarah, ka aku pijo adүp ku so pingandai sarah. 24 Ka Ayüh ngupah aku sabab aku ndai kayuh adi batur, sabab Ayüh puan aku düh sarah. 25 O TUHAN, Kaam

tütüd ngga ngara adi tütüd ngga Kaam; sukup kana ngga ngara adi sukup kana. 26 Kaam kiren adüp Mai bisig di ngara adi bisig, pak gaok ngga ngara adi ginaka. 27 Kaam nyiramat ngara adi pirapat adüp-i, pak Kaam pirapat ngara adi sambuh. 28 O TUHAN, Kaam nggen jawa di aku; Kaam kadi karüm ku. 29 Kaam nggen pinyibake di aku ngga nyerang bara pinganyu kuka kuasa ngga ngarah kuta ngara. 30 Tapa ati -- munki masam sukup kana-i pingandai-l! pinganang-l bisa dog sabah! Ayüh keya ka pinanginyün sopürüg adi jiroh pinyigrindung. 31 TUHAN sadi adü Tapa; Tapa sadi adü pingibän ta. 32 Ayüh Tapa adi bada aku bake, adi bada aran ku siramat. 33 Ayüh bada kaja ku tagap mun kaja peyu; Ayüh bada aku siramat di darüd. 34 Ayüh pirates aku yün biperang, isa aku dapüd pakai bawüh panah adi siabo bagüg. 35 O TUHAN, Kaam grindung ka nyiramat aku; pinyita Mai bada aku timagah, ka kuasa Mai bada aku siramat. 36 Kaam kingat aku so dog takap. Ka aku gi-mating rabu. 37 Aku tadak pinganyu ku ka nakap ngara; aku düh re rüü ndüg ka aku mbüh pirabur ngara. 38 Aku mukong ngara, ka ngara düh dapüd makat, ngara tumbang arah di sirung jawin ku. 39 Kaam nggen pinyibake di aku yün biperangka pimanang ngarah bara pinganyu ku. 40 Ka bada pinganyu ku bikaduh bu so aku; aku pirabur ngara adi tiru di aku. 41 Ngara bagan mite turung, pak mating daya nyiramat ngara; ngara bagan TUHAN, pak Ayüh düh nam. 42 Aku pirandük ngara ndüg ka ngara mbüh jadi keya ka runasadi dog poh sabak. Aku bidigang di tunduh ngara -- mun tana di aran. 43 Kaam nyiramat aku so daya adi gagä birawanka bada aku jadi pimritah bangsa; bara daya adi düh aku puan mbüh madin jadi urun ku. 44 Bara pinami nundok di aku; kan ngara dingah aku, ngara tunda pinganang ku. 45 Pinyipagan ngara mating tiaka ruah so kuta kuta ngara buang kimütür. 46 TUHAN udip! Muji meh pingibän ku! Piagah bäs Tapa adi nyiramat aku. 47 Ayüh nggen di aku pimanang ngarah pinganyu ku; Ayüh na bangsa bangsa di ribo kuasa ku 48 ka nyiramat aku so bara pinganyu aku. O TUHAN, Kaam nggen di aku pimanang ngarah pinganyu kuka grindung aku so daya ganas. 49 Ngapüi aku muji Kaam di dupan dudu bangsa; aku biragu muji Kaam. 50 Tapa nggen pimanang bäs di raja-l; Ayüh kiren pinyirindu-l adi düh bisa birubah di sianü adi-l mien, di David ka di sesang-i adu adu.